

倪健民甲辰诗词选

■ 甲辰开岁有题

甲辰开岁艳阳天，喜鹊登枝吉语传。
霞映玉台三万里，龙腾禹甸九千年。
冲霄爆竹逢春耀，向日桃英带笑妍。
奋笔挥毫歌盛世，风梳细柳涌诗篇。

■ 次韵敬和林峰先生 《甲辰新年随想》两首

(一)
山曙烟初织，岚清腊雪深。
云轻邀好梦，日暮动乡心。
一曲莲花落，千声采绿吟。
春江如有悟，水暖报佳音。

(二)
风喧清北路，日丽画眉山。
玉兔乘云去，神龙驾雾还。
飞花千草白，舞鹤几声闲。
雨漏常敲韵，江天月又弯。

■ 依韵林峰先生《甲辰春咏》

柳堤初湿乱烟迟，桃李东风欲放时。
遥借蜂声晴越树，频添蝶影靓吴池。
披霞水岸花堪写，沐翠渠田麦可期。
又是一年春色好，几重烂漫几重诗。

■ 新年赶集

晨曦生暖意，集市趁初阳。
熙攘人声杂，蒸腾年味香。
梆腔喧鼓笛，秧舞艳绫裳。
满载孩童笑，惊飞酣卧鸯。

■ 元宵节随感

琼枝素月影婆娑，爆竹烟花又一波。
元夕思乡嫌酒少，宵灯对景惹诗多。
香熏几复忘言坐，茗煮三更着句磨。
最是莼鲈能引胜，吴山越水暖心窝。

■ 风入松·龙腾华夏

瑞龙腾起展新晴。灯火万家明。雪华润土东风劲，
鹊踏枝、寒尽春生。疏影叶依琼阙，画帘花映蓬瀛。
雄疆无事有长缨。游牧晓听莺。沙洲犁动天时顺，
自从容、甘露充盈。原上芳菲芽绿，宙间元气风清。

■ 风入松·龙腾南海

茂林异彩弄新晴。云径翠烟生。果香碧乳浮晶露，
过板桥、泉水脩清。迦树叶依箕颢，木棉花映蓬瀛。
长听南海柳莺声。低语诉衷情。天风松籁疑仙
唄。瑞龙吟、神韵分明。方外真如禅定，宙间元气充盈。

■ 南山寺

初日照四方，松茂郁千章。
宝相巍峨貌，菩提觉悟光。
道幽皆净土，花好自生香。
岩谷声流满，欢愉鸣鸟忙。

■ 次韵敬和林峰先生《写在峰回园林峰 九秩诗文稿研讨会后》两首

(一)
春江作酒唱逍遥，片月清斟敬一瓢。
丽句缀云林氏锦，诗心化雪柳风萧。
世言笔妙追双井，谁识峰回过九霄。
天外莺声啼不住，桃花源里有渔樵。

(二)
颢气诗文凌太虚，真情满载五云车。
华篇远挹八千水，春树方生九万书。
已奏黄钟歌大吕，还传布谷勉经锄。
欣期泰斗东风近，波漾香江影不疏。

■ 南丽湖行

初晴起翠烟，日暮静流天。
白鹭迎风悦，山鸡舞镜妍。
湖平迟独步，树美乐留连。
小饮新丰酒，涛声共此眠。

■ 登白石岭

从容天外风，涌翠到琼东。
霓彩拥千木，青辉枕万丛。
云阶寻圣迹，石径望灵宫。
一柱凌空起，开屏顶昊穹。

■ 朵花大桥

地脉露槎枒，云从万朵花。
飞龙腾碧落，车马逐青纱。
造化通天帝，威仪镇夜叉。
登高舒望眼，岭上看闲霞。

■ 携两孙来阳明洞

栖霞山路远，踏雾我重来。
奇境三湖水，兰窝一片苔。
松声传至理，夏雨去尘埃。
龙隐阳明洞，飞云锁复开。

■ 泰山日出

一轮喷薄出，五彩脱空生。
玉地云铺就，金曦海设成。
红鳞浮白浪，锦雁伴长鲸。
不负君行早，天鸡唤日明。

■ 夏雨

山云翻墨色，裂电闪惊雷。
急雨腾山漫，狂飙卷浪摧。
千流争涧落，万瀑绽花堆。
掩映天边白，余霞一抹回。

■ 纳凉

树下能消暑，田园纳晚凉。
蝉鸣随落日，鸟语绕篱墙。
石气嘘山谷，茶香溢草堂。
好风连翠海，韵雅自清扬。



【作者简介】

倪健民 博士，浙江杭州人。《诗刊》子曰诗社顾问，《中华辞赋》顾问，清华大学荷塘诗社名誉顾问。著有《倪健民词稿选》《明轩诗稿》等。

■ 夏日偶成

雨过青山近，风来一片霞。
云栖无浪谷，林隐有人家。
润艳蔷薇色，吹香茉莉花。
清溪光浸影，月上笼轻纱。

■ 仲夏吟

灵隐岩边洞，金光一线开。
山居多染翠，石壁久生苔。
霞映双峰秀，溪摇万佩来。
龙泓腾雾气，冷热费神猜。

■ 崆峒山

天下崆峒景，风平浩荡晴。
皇城元气满，塔院铎声鸣。
金顶慈光放，云心净水生。
深山多养道，高岭谒三清。

■ 麦积山

松风吹麦积，石径入云端。
百窟飞天壁，千龕佛像坛。
崖高霞映树，潭静月依峦。
缭绕香烟处，清心自在观。

■ 华山松

巍峨高万仞，屹立太华巅。
青甲凝霄汉，苍波涌绮烟。
霜心千岁老，风骨四时坚。
浩气惊环宇，雄浑谁比肩。

■ 山中小雨

雨细远山浮，烟归雾欲流。
舞花摇玉露，滴叶润红榴。
万象纳笙龕，千崖抱雁湫。
老天犹有令，恬澹尽销愁。